

Senfagabana



Ni senfagabana be den na o be lon cogo di ?

Bana damina ra, den fari be gban, a fari be b'a dimi.

A ko b'a dimi tuma dow ra, a be fono, a kon be bori. Tere fla walama tere saba ko, senfagabanato te se k'a sen lamaga, walama a te se k'a boro lamaga.

Tuma dow ra fana, a te se ka sigi, a fasaw be magaya. Ni logokun dama temena, a borow ni a senw be misenya. O fanga be ban. Ni a mena a be fiyen bla den boro ni a senw na. Den be murugu.

O le b'a yira ko senfagabana be den na. I ka kan ka a ta ka taga ni a ye dokotoko ra joona k'a flake.

Senfagabana be se ka den mina a woronin karo saba ra.

Senfagabana ye banajuguba le ye. A be se ka den faga. Hali ni senfagabanato ma sa, a boro min fagara, walama a sen min fagara, o te se ka mako ja tuun. Ala ye an kisi o ma.



Senfagabana be sɔɔ nɔɔ le fe. Nin ja be o yira an na:
 Den dɔ be sokɔtaga kera kɔda ra. O nɔɔ be don kɔji ra.
 Denmisɛnw toronketɔ o ji kelen na, o be se ka ke sababu
 ye ka senfagabana lase o ma.

Senfagabana be den mina cogo di?

Senfagabana ta banakise be sɔɔ sokɔtaga le ra. Ni limɔɔ sigira sokɔtaga kan, ka ban kataga sigi domunifen kan, ni i ka o domu, senfagabana be se ka i sɔɔ.

Ni i ka sokɔtaga ke kene ma, ni sanji benna a kan, ni o ji jinɔɔ woyora ka taga ke kɔ ra, walama kolɔn na, ni i ka o ji min, senfagabana be se ka i sɔɔ.


Ni i be domuni ke, ni i ma i tege ko ka gbe ni safina ye, senfagabana be se ka i sɔɔ.

Ni senfagabana ka den sɔɔ, an be mun le ke?

Ni senfagabana ka den sɔɔ, aw ye taga ni a ye dɔkɔtɔɔso ra ka taga a flake. Ni o kera a ta dimi be nɔɔya.

Ni senfagabanatɔ ka flakeri damina jona, ka men a ra fana, a senw ni a borow be se ka fanga dɔɔni dɔɔni sɔɔ, nka a te se ka ke i ko a tun be cogo min kakɔɔ.

O le kosɔn ni aw b'a fe ka aw den kisi senfagabna ma, aw ye taga ni a ye dɔkɔtɔɔso ra jona, ka taga a bolo ci.



Sani i ye domuni ke, i ye i tege ko ni safine ye

An be se ka den lakisi senfagabana ma cogo di?

- Denbatigi ka kan ka jisaniman le di den ma
- A man kan ka a to den ye bo ke yɔrɔ bɛɛ. Ni den ka bo ke dɔrɔn, denbatigi ka kan ka bo ce ka taga a firi kabine kɔnɔ.
- Ni den banna bɔke ra, denbatigi ka kan ka den kɔ ko ka ja, k'a tege fana ko ka gbe. Denbatigi yere fana ka kan ka a tege ko ka gbe.
- Ni den b'a fe ka domuni ke fana, aw ye a tege ko ka gbe.




Aw den tege ko sani a ye domuni ke

An ka laadirikan minw fɔ nin ye, denmisɛnw dama ko te, mɔgɔkɔrɔbaw fana ka kan ka o ke. Ni o te o be se ka senfagabana banakise lase o ta denw ma.

Denbatigiw aw ye ni lamén!

Ni aw t'a fɛ senfagabana ye aw denw mina, min ka fisa, aw ye taga o bolo ci dɔkɔtɔrɔso ra. Senfagabana boloci bɛ kɛ den na a woronin karo saba.



Tɛtrakɔki boloci bɛ sɛ ka den kisi nanbaraya ma

Ni senfagabana ka den dɔ sɔɔ dugu kɔnɔ walama lu kɔnɔ, o tuma boloci ma kɛ den o den na, hali ni o si temena karo saba kan, aw ye taga ni o ye dɔkɔtɔɔso ra joona, ka o bolo ci.

An k'a fɔ ko senfagabana boloci fɔlɔ bɛ kɛ den woronin karo saba ra.

Senfagabana boloci flanan bɛ kɛ den woronin karo naani na.

Senfagabana boloci sabanan bɛ kɛ den woronin karo looru ra.

Senfagabana boloci laban bɛ kɛ den na, ni sanji kelen temena boloci sabanan kɔ fɛ.

Ni nin boloci naani bɛɛ kɛra den na ka dafa a ja ma, senfagabana tɛ se ka den mina.

Senfagabana bolocifla tɔgɔ ye ko tetirakɔki. Dɔw b'a fɔ ko karosababoloci, walama detekɔki poliyo.

Nka karosababoloci, walama detekɔki poliyo tɛ mɔgɔ kisi senfagabana dɔɔn ma. A bɛ mɔgɔ kisi bana saba were ma ka fara senfagabana ka. O banaw ye karosabasɔgɔsɔgɔ ye, ani tetanɔsi, ani difiteri.


Ni tetirakɔki, walama karosababoloci, walama detekɔki poliyo bolocifla kera den na, ni wagti dɔ kera a fari be se ka gban. Aw kana siran o ra, o te baasi ye. Farigbanfla min be ben a si hakeya ma, aw ye o di a ma.



Ni den ka karo saba sɔrɔ, aw ye taga ni a ye, o be karosababoloci ke a ra.

Aw ye nin lamɛn kosɔbe!

Ni aw be taga dokotorsu ra aw kana jina ka taga ni den ta karine ye aw boro. Ni denbatigi tagara senfagabana boloci ke den na dokotorsu ra, a kana jina k'a fo dokotrow ye ko o ye a sebe karine konu.




Senfagabana boloci be ke dokotorsu ra gbansan

Senfagabana boloci be se ka ke den na yɔrɔ juman ?

Senfagabana boloci be se ka ke den na dɔkɔtɔrɔso ra, walama pemi na, o be musokɔnɔmanw ani denmisenw fle yɔrɔ min na, walama dɔkɔtɔrɔ bolocibaga minw be yaalayaala jamana kɔnɔ, aw ye taga olugu fe.

Kɔdiwari yan, senfagabana boloci be ke gbansan.



Aw ye nin lamɛn kosɔbe

Senfagabana boloci be se ka den lakisi kosɔbe saya ma. Senfagabana boloci be se fana ka bana bari ka yeɛma mɔgɔ were fe.